

Hitesranjan Sanyal Memorial Collection
Centre for Studies in Social Sciences, Calcutta

| | |
|---|---|
| Record No.: CSS 2006/ 10 | Place of Publication: Calcutta |
| Collection: Sharmadip Basu | Publisher: Gitabitan Sangeet Siskshmalay |
| Title: Paper cutting titled: <i>Brahmacharya Ashramer Dinguli</i> | Year of Publication: 1961 |
| | Size: 24 c.m. x 18.5 c.m. |
| Author: Nripendrakumar Basu (1898 – 1979) | Condition: O.K. |
| | Remarks: This article was published in Gitabitan, Rabindra Satabarshiki edition. Only few loose pages of the article have been preserved by the author with some notes. |

| | | |
|-------------------------|------------|----------|
| Microfilm roll No.: CSS | From gate: | To gate: |
|-------------------------|------------|----------|

বঙ্গদেশের আর্থিকের দিনপঞ্জি

30 **th**
annual



শ্রী নৃসিংহ কুমার
বসু



ব্রহ্মার্চ্য আশ্রমের দিনগুলি শ্রীমৎশ্রীকুমার বসু

মাতৃহারা হয়েছিলাম দেড়বছর বয়সে। সাত বছর বয়স পর্যন্ত দিদিমা ও বড়দির কোলেপিঠে মাছ খেয়েছি। তার পর এসে পড়লাম পিতৃ-ভবনের স্নেহবঞ্চিত কড়া শাসন-নির্ধাতনের রাজত্বে। সেখানে বিনা-দোষে বা অল্প-দোষে গুরু দণ্ডপ্রাপ্ত ছিল দৈনন্দিন বরাদ্দ। মায়ের ভয় শুঁড়িয়ে মিথ্যা কথা বলতে শেখালো, 'দুই-ছেলে' বলে আমার খ্যাতি রটল তার দিকে।

দিদি, ভদ্রীপতি ও দিদিমার কাছে এই নির্ধাতনের ইতিহাস অজ্ঞাত রইল না।

দিদিমা ও দিদির পুনঃ পুনঃ সাক্ষাৎ অল্পরোধে বিচলিত হয়ে জামাইবাবু ক্রমাগত বাবার কাছে দরবার করে আমাকে বোলপুর শান্তিনিকেতনে পাঠিয়ে দেবার ব্যবস্থা করলেন। বাবার এক বন্ধু ও ভদ্রীপতির বিশেষ পরিচিত হিতকামী শশধর গাঙ্গুলি তখন ঠাকুর এস্টেটের অল্পতম সুপারিন্টেন্ডেন্ট ছিলেন; শান্তিনিকেতন ব্রহ্মার্চ্য বিদ্যালয়ের শিক্ষক অল্পিত চক্রবর্তীর স্বর্গত পিতা ছিলেন বাবার গুরুভাই। সুতরাং শশধরবাবু ও অল্পিতবাবুর উদ্যোগে আমি অতি সহজেই সেখানে ভর্তি হবার সুযোগ পেলাম। সেটা ১৯১০ সালের কোনো মাস। বয়স তখন আমার বছর বারো।

ব্রহ্মার্চ্য বিদ্যালয়ের কর্তৃপক্ষ বোধ হয় আগেই সংক্ষেপে দুটি কথা আমার পরিচয় পেয়েছিলেন— আমি শৈশবে মাতৃহারা, আমি দুঃস্থ। এই দুটি ন্যূনতার মধ্যে যে কার্যকারণ সম্বন্ধ আছে, সেটা তখনকার কালের অনেক শিক্ষক ও সমাজসেবকের কাছে অজ্ঞাত ছিল। মাতৃহেহ-বঞ্চিতরাই বিখ্যাত বা কৃত্যাত রাজস্রোহী, সমাজস্রোহী ও চিরাচরিত-স্বাভাবিকারী হয়; নতুবা প্রবল রকমের বাস্তবমূল্য-পরিবেশশূন্য, ধ্যানধারণাপ্রবণ আদর্শবাদী বা মিল্টিক হয়। বহুলোকের জীবনী থেকে এই নির্বচনকে প্রমাণিত করার মালমশলা পাওয়া যায়।

বোলপুর স্টেশন থেকে আড়াই মাইল দূরে শান্তিনিকেতনে পৌঁছবার জন্ত আমার সহগামী আত্মীয়টি ^{পাঁচ} ছন আনা কি ^{সকল} আনা ভাড়ার একখানা গরুর গাড়ি ঠিক করে আমার নিয়ে চড়ে বসলেন। ঠিক সন্ধ্যার সময় আমহা গন্তব্যস্থানে পৌঁছলুম। শান্তিনিকেতনের এলাকায় ঢোকবার কিছু আগে থেকেই ভূবনভাগীর অগভীর তালগাছেরা বিস্তৃত দীর্ঘ সন্ধ্যার অল্প-আবীর মধ্যে দূর থেকে চিঙ্ক চিঙ্ক করছিল; তার পাড়ের অনতিদূরেই দ্বিজেন্দ্রনাথ ঠাকুর মশাইয়ের উচু বাংলা দেখা যাচ্ছিল।

একদিকে আম্রকুঞ্জ, অত্রদিকে শালবীধি। তারি মাঝখানে কাঁকা আরণায় অবিলম্বত ভাবে ছোটো-মাবারি-লম্বা বারো-চৌদ্দখানি কুটির বা চালাখর ও খানকয়েক একতলা কোঠাখর। ওর একপাশে বেশ নীচু গোছের একটি নাস্তিহন কোঠাবাড়ি। পরে জানা গেল, সেটার নীচের তলায় ছ'খানা ঘরে শাইব্রেরি; একটা ঘরে বিদ্যুৎখর শারীমশাই তাঁর বছর সাত-আটের একটি ছেলেকে নিয়ে এবং ইতস্ততঃ বিক্ষিপ্ত রাশি রাশি সংস্কৃত ও

পালি পুস্তকপুষ্টি পরিবৃত্ত হয়ে বাস করেন। এর সংলগ্ন একটি একতলা দালানের নতিশীর্ষী কামরায় ছিল রাসায়নিক ও অর্ধ-বিজ্ঞানিক পরীক্ষাগার। এই ঘরের একপাশে ছিল একটি ছোটো দুর্ভবন যন্ত্র।

পাশে আর একখানা কোঠাঘরে জনকয়েক অল্পবয়সী ছাত্র থাকত। দেওয়াল শাইব্রেরি-বাড়ির ওপর তলায় উচ্চ শ্রেণীর কয়েক জন ছাত্র বাস করত। ওইখানে সুদীর্ঘজননা (বিষভারতীর বর্তমান উপাচার্যমহাশয়) তখন থাকতেন, ফার্স্ট ক্লাসের ছাত্র।

ছোটো ছোটো কুঁড়ে ঘরগুলিতে কোনো কোনো শিক্ষক একাকী বা সপরিবারে থাকতেন। মাঝারি ও বড়ো চালাঘরগুলিতে ছাত্ররা থাকত; প্রত্যেক ঘরে একজন শিক্ষক তথাবধায়ক থাকতেন। দেওয়ালের মেঝে কোনোটো এককুঁড়ে, কোনোটো তার চেয়ে কিছু বেশি উঁচু, আগাগোড়া ইটবানানো ও সিমেন্ট করা; বসন্তালগুলি বেশির ভাগ এক ইটের পাঁখনি ও বালিচুন ধরানো। এই রকম একখানা মাঝারি লম্বা-চালাঘরে একখানি তক্তাপাশে আমার স্থান নির্দিষ্ট হল। এই ঘরে ঐ সময় পরবর্তীকালের প্রসিদ্ধ চিত্রশিল্পী শ্রীমণীকৃষ্ণচন্দ্র গুপ্ত থাকতেন।

আমার সঙ্গী উভয়শোক অজিতবাবুর কাছে আমাকে পেশ করে ও তাঁর সঙ্গে পরিচিত করে দিয়ে পরদিন দুপুরে চলে গেলেন। প্রথম দিনকয়েক খুব মুখচোরা ও সংকোচশীল ছিলাম; তার পর এক এক করে যখন সময়বন্দী ছাত্রদের সঙ্গে আলাপ হল ও ভাব জমল, তখন মুখ বেশ বড়ো করেই খুলতে লাগলাম। কয়েক দিনের মধ্যেই বরুতে পারলাম যে, আমার মতো ও আমার চেয়ে বেশি দুঃস্থ ছেলে এখানেও আছে। তাদের দুঃস্থি নির্ণয়ে হলে কোনো সাক্ষা দেওয়া হয় না। ক্ষতিকর কোনো দুঃস্থির পরিচয় পেলে শিক্ষকরা মিষ্টি কথায় বোঝান-সোঝান, কঠিন তিরস্কার করেন। হাতে পায়ে ভাং-পিটেপনাকে তাঁরা কতকটা পরিমাণে প্রশ্রয় দেন— অবশ্য যদি না তাতে আশ্রমের কোনো আইন-শৃঙ্খলার সঙ্গে বিরোধী মনে। আমি হাঁক ছেড়ে বাঁচলাম।

কিন্তু প্রথম প্রথম অন্ততঃ চার বিক্রে আমি রীতিমত অসুবিধে বোধ করতে লাগলাম। কলকাতায় থাকতে পিত্রালয়ে বসে লান্ধাই আমার সহ্য করতে হোক না কেন, সপ্তাহে অন্ততঃ একটা দিনও দিদিমার মেহাঙ্কলবিচ্ছারে আরামে থাকতে পেতুম। তাঁকেই মা বলে জানতুম ও ভ্রাতৃত্ব, তাঁর আদরের দ্বিধা হস্তাবেলেপনে আমার সমস্ত আশা ছুড়িয়ে যেত। পাঁচ-ছয় দিন বেতে না যেতেই দিদিমা ও দিদির অভাব মর্শ্জন্মভাবে অরুভব করেছিলাম এবং বোধ হয় দু'চার বার আমবাগানের এক নির্জন কোণে বসে হাপাস নয়নে কেঁদেছিলাম। তাঁদের অভাবের তীব্র বেনানিবোধ অচিরে অনেকখানি তুলিয়ে দিলেন এক কলকাতা চিত্রা মহিলা।

এই মহিলাটি ছিলেন অজিত চক্রবর্তীমহাশয়ের মহীয়সী জননী। উনি ছিলেন আশ্রমের পূর্ব প্রান্তে অবস্থিত মেয়ে হোস্টেলের তথাবধায়িকা। গুঁর অধীনে তখন ১০।১২টি নানা বয়সী মেয়ে থাকত। এরা ছেলেদের সঙ্গে বিভিন্ন শ্রেণীতে অধ্যয়ন করত। সহায়দ্যন-প্রথা প্রথম ব্রহ্মচর্যাশ্রমেই বোধ হয় প্রতিষ্ঠিত হয়। যাহোক, অজিত-জননীও আমার পিতার গুরুভগ্নী ছিলেন; তিনি আমার পিতাকে চিনতে। আমার মাতৃহীনভাজনিত দূরবন্দ্যার কথা তিনি ষোড়শ পুত্রের মুখ থেকে বোধ হয় শুনেছিলেন। তাঁর ছোটোটা ছেলে সুশীল আমার সহপাঠী ছিল। সে একদিন তার মার কাছে আমায় ডেকে নিয়ে গেল; সম্ভবতঃ তিনি ডেকে বসেছিলেন আমায় সঙ্গে করে নিয়ে যেতে।

তাঁর ঘরে যাবামাত্র তিনি আমায় বুক জড়িয়ে আদর করলেন। বললেন : 'যখন দিদিমা-দিদিদের জন্তে মন কেমন করবে, তখন আমার কাছে চলে আসবে। আমার তিনটে ছেলে আছে, আজ থেকে চারটে হল।'

...তিনি আমাদের সংসারের সব তথ্য যুঁজিয়ে জেনে নিলেন এবং পিত্রালয়ে আমার দুঃস্থের কথা শুনে কাঁচলে চোখ মুছলেন। তার পর হাটলি পামারের টিনের কোঁটো থেকে তিন চারখানি করে বিকৃত আমার হাতে ও সুশীলের হাতে দিলেন, পরে খানিকটা পেয়ারার জেপি খেতে দিলেন। যতদিন শান্তিনিকেতনে ছিলাম, ততদিন সপ্তাহে একবার কি দু'বার করে আমার এই পাতানো ময়ের কাছে গিয়ে তাঁর প্রাণভরা আদরপাঠ্যায়ন কুড়িয়ে নিয়ে এসেছি। সুশীলকে তিনি দুঃস্থ বলে মাঝে মাঝে তিরস্কার করলেও আমাকে লম্বী বলেই সম্ভাষণ করতেন।

আমার প্রথম অসুবিধার মেঘ অনেকটা কেটে গেল এইভাবে। দ্বিতীয় অসুবিধার কথা এইবার বলি। আমি আর্শন্য রুপ ছিলাম বলে দিদিমা আমার খুব ভোরে কখনো উঠতে দিতেন না। শীতকালে স্বর্ষদেব দিক্‌জবাল অভিজ্ঞান না করলে— উঠানে বোধহুঁ এসে ছড়িয়ে না পড়লে, তিনি আমাকে কোনেমেতে ঘরের বার হাতে দিতেন না। পিত্রালয়ে এসেও গ্রীষ্মকালে ছটা ও শীতকালে সাতটা নাগাং উঠলে অভিভাবকরা বড়ো একটা বেত্রদণ্ড আশ্রমালন করতেন না। কিন্তু ব্রহ্মচর্যাশ্রমে ভোর ৪-৪৫ মিনিটের সময় মিনিট দুটিন ঘরে পেটাঘড়িতে হাতুড়ির বা পড়তে থাকে। তার আওয়াজ শুনেলে স্বয়ং কুশকর্ণেরও কর্ণপিটই বদীর্ণ হবার উপক্রম করে এবং তিনিও নিরাশ্রিসর্জন দিয়ে সজ্ঞায়ে হুসার ছাড়েন। শীতকালে অবশ্য শয্যাভ্যাগের সময় পৌনে একঘণ্টা পেছিয়ে দেওয়া হত। প্রথম মাস বানেক এতে আমি রীতিমত বিরক্ত বোধ করতাম। তার পর আস্তে আস্তে এই বর্টোর বিধি বরদাশ্ত হয়ে গেল।

শীতগ্রীষ্মে যখনই শয়নভঙ্গ করতুম, তখনই বাইরে তারকারিকর্ণ অন্ধকার আকাশ দেখেছি— পূর্ব দিগন্তে উবার আভাসমাত্র দেখতে পেতুম না। সেই অন্ধকারের মধ্যেই আমাদের জলপাত্র হাতে করে আশ্রম-সীমান্তের বাইরে একটা কলকলসহীন উঁর উচ্চাবচ মাঠে ছুটতে হত। সেটা ছিল আশ্রমের পশ্চিম দিকে। এতই উত্তর একাংশে এখন উত্তরাধিক অবস্থিত। সে মাঠের অনেকখানি এখন আশ্রম-এলাকার অন্তর্ভুক্ত, সেখানে এখন অনেক বাড়ি উঠেছে। বর্তমান মেয়েদের হোস্টেল, মীরাধির বাড়ি, 'প্রাক্তনী' প্রভৃতি তখনকার সেই অশোচন কলসরণ-গুলিকে মুছে দিয়েছে, তাদের স্থতির সম্ভাবনীয়তাকে পর্শ্বত বিলুপ্ত করে দিয়েছে।

ঐ সময় আশ্রমের উত্তর-পশ্চিম প্রান্তে চারটিনাজ মধ্যযুগীয় মেঘর-খাটী থুপুর ছিল। অসুস্থ ও নিতান্ত অল্প-বয়স্ক ছাত্ররা ছাড়া অল্প কেউ এদের ভিতর প্রবেশাধিকার পেত না। তখন প্রাতঃকালে প্রাকৃতিক বেগবর্জনের আশ্রমিক পরিভাবাই ছিল 'মাঠে যাওয়া'। মাঠে যাওয়া ও দাঁত-মাঝা মুখ-খোওয়ায় জন্তে আধ ঘণ্টার বেশি সময় দেওয়া হত না। এরপর আর একপ্রশ্ন ঘটা বাবার সঙ্গে সঙ্গে দক্ষিণ-পশ্চিমের প্রশস্ত মাঠে হাঁকির হতে হতে ব্যায়াম-চর্চা ও ডিলের নিমিত্ত। ঐ সময় কিছুদিন আমাদের ঘরের তথাবধায়ক ছিলেন সেনাহাটিনবাসী হীরালাল সেন মহাশয়। 'হুসার' নামে একখানা জাতীয়ভাববোধীকর বই লিখে তিনি তদানীন্তন ইংল্যান্ড শাসকদের বিধ-নজরে পড়েছিলেন। এই বই লেখার জন্তে তিনি বোধ হয় বছর দেড় কি দুই সপ্তম ক্যারাগ ও ভোগ করেন।

হীরালালবাবু কারামুক্তির কিছুদিন পরেই শিক্ষকতার চাকরি নিয়ে শান্তিনিকেতনে আসেন। প্রধানতঃ তিনি আমাদের ব্যায়াম ও ডিল শিক্ষা দিতেন এবং নীচের ক্লাসগুলিতে বাংলা, ইতিহাস প্রভৃতি পড়াতেন। রীতিমত সার্বিক কার্যায় তিনি আমাদের ডিল করাওঁ শেখাতেন। তা ছাড়া লাঠি, হোঁরা, ঢাল-তরোয়াল খেলা

গুলতি হোরা প্রস্তুতিও তিনি শিক্ষা দিতেন। সেনমহাশয় উৎকট রকমের ইংরাজবিদ্যেই ছিলেন, তা তাঁর ভাবে-ভঙ্গিতে কথাবার্তার মাঝে মাঝে প্রকাশ পেত। অথচ তিনি লাইব্রেরির থেকে প্রায়ই নামারকম ইংরাজি বই এনে নিবিড়চিন্তে পড়তেন। তাঁর শয্যার ওপর শীত, চটী ও খাম্বী বিবেকানন্দের লেখা 'প্রাচ্য ও পাশ্চাত্য', 'বর্ম্মযোগ' 'জ্ঞানযোগ' প্রভৃতি বই ছড়ানো রয়েছে দেখতে পেতাম।

ভক্তশ্রোকের চেহারাখানি একার বছর পরেও স্পষ্ট মনের পর্যায়ে ভেসে ওঠে। উচ্চতায় ছ ফুট নিশরই হবেন। রং অনেকটা পুরানো তামার মতো, কালো বলতে বাধা-বাধে ঠেকে। তাতে তেজ-সাহস-তীক্ষ্ণবুদ্ধির কোঁদুস মাথানো ছিল। মহাভারতে জীমের বর্ণনা পড়েছি, কিন্তু সেই বর্ণনার জীবন্ত প্রতিরূপ চর্চক্ষে দেখার সুযোগ বোধ হয় হীরালালবাবু করে দিয়েছিলেন। তাঁর বাহু-সম্মুখে সংস্কৃত মিনিরস্বা পেশপিণ্ডি লৌহ-গোলাকের মতো শক্ত ছিল; আমাদের বয়োজ্যেষ্ঠ বয়সান ছাত্ররা তাতে সজ্ঞারে আঙুলের টিপ দিয়ে এক ফোঁটা টোল খাওরতে পারত না। তিনি জ্ঞাতিতে বৈজ্ঞ ছিলেন, স্বচ্ছ তাঁর স্তম্ভোজ্ঞল যজ্ঞোপবীত ছিল; নিষ্টির সঙ্গে বহুকণ ধরে ছুঁবেলা সন্ধ্যাহিক করতেন দেখতুম। গলার খর ছিল উদাত্ত গভীর—অদুর্য্যাক্ত জলধরমন্ত্রের মতো। তিনি ছাত্ররাখানা স্বদেশি গান গেয়ে শুনিযেছিলেন আমাদের। শুনে সেই বয়সেই আমাদের প্রাণ নেচে উঠেছিল, গায়ে কাঁটা দিয়ে উঠেছিল।

হীরালালবাবু কয়েক মাস পরেই আশ্রম ছাড়তে বাধ্য হলেন। তিনি ওখানে যোগ দেওয়ার পর থেকেই শুনেছি মাঝে মাঝে টিকটিকিয়া এসে তাঁর খোঁজখবর করত, তাঁর কার্যকলাপের ওপর আড়াল থেকে নজর রাখত। উনি যুগান্তের পার্টির গোপন সম্বাসমন্ড্রে দীক্ষিত হিংসাবাদী কর্মী, বৃটশ রাষ্ট্র-সরকারের কোপভাজন ব্যক্তি এবং শাস্তিনিকেতন শান্তিময় পরিবেশের সঙ্গে নিজেকে খাপ খাইয়ে নেবার একান্ত অস্থপযুক্ত—এই কথা কবিশঙ্করকে বাবার শুনিতে তাঁকে অন্তর্ভুক্ত করে তুলেছিল ওরা। একদিন সকালে উঠে দেখি হীরালালবাবু তাঁর বাস-বিহীনানি নিয়ে অস্থগিই হয়েছেন।

যাক, ব্যায়াম চর্চার সময় আমরা প্রভাতের প্রথম পদধর্মিত্ত নতে পেতুম, পূর্বাচল তার রক্তিমাত্ত আগমনী-চিহ্ন দেখতে পেতুম। এর পর ছিল দানের পালা। সেইটে ছিল আমাদের তৃতীয় অমুবিধা, বিশেষভাবে হেমন্ত ও শীত ঋতুতে। আশ্রমের একটিনাত্র ইঁদারা থেকে বড়ো ছেলেরা টিনের ক্যানোস্তরা করে জল তুলে এক এক ক্যানোস্তরা ভর্তি হিমশীতল জল হাঁটু দুমুড়ে বসা বেপখ্যমান ছোট্টোদের শিরে ঢেলে দিত। সত্যি, সেটা ছিল শীতল-সলিল-সংকুল একটা প্রাত্যহিক অরিপরীক্ষা। নিরুপায় হয়ে সেটাও সয়ে নিতে হল।

দানের পর আর একবার ষট্টা বাজার সঙ্গে সঙ্গে আমাদের কণ্ঠের আসন নিয়ে বেরিয়ে পড়তে হত মার্চে-বাগানে বিহীন উপাসনা করতে। অনেক সময় আমরা কেউ কেউ চারহাত পাঁচহাত অন্তর বসে চোখ বুজে থাকতুম। কেউ কেউ চোখ মেলে চূপচাপ বসে থাকত, কেউ কেউ বিড়-বিড় করে হয়তো কোনো কিছু কবিতা বা স্লোক আওড়াতে, কেউ কেউ পড়কুটো খুঁলা নিয়ে খেলা করত; বাঘের পৈতে হয়ে গিয়েছিল তারা গায়ত্রী জপ করত।

কখনো কখনো কোনো দুই ছেলে অদূরবর্তী কোনো সমবয়সী বা বয়স্কনিষ্ঠ ছেলের গায়ে একটি ছোট্টো মাটির ভাঙ্গা ছুঁড়েপেরে পরম ভক্তিবরে সজ্ঞারে চোখের পাতা বন্ধ করে কেশত। রূপ বা অরূপ আমি কোনো দেবতা

বা ঈশ্বরের উপাসনা যতবারই করতে গিয়েছি ততবারই দিদি, মেজদিদি, দিদিমা বা বহদিন পরশোকাপ্রাপ্ত বৃদ্ধো দাদার চেহারাখানা নিম্নীলিত চোখের কালো পর্দায় আপনা আপনি ভেসে উঠতে দেখেছি। এইভাবে সেই বয়সে 'প্রিয়রে দেবতা' জ্ঞান করতে শিখেছিলাম।

উপাসনা বোধ হয় মিনিট দশেক চলার প্রথা ছিল। তার পর আশ্রমের সমস্ত শিক্ষক ও ছাত্র শালবীধির দক্ষিণের মার্চে একত্র ও পূর্বাশ্রম হয়ে সমবেত প্রার্থনা করতেন। এক বৈদিক মন্ত্র ছিল এই প্রার্থনার উপজীব্য—
'ও পিতা নোহসি পিতা নো বোধি মমস্তে স্ব। মা মা হিংসী। বিশ্বানি দেব সবিতহুঁরিতানি পরাস্থব মন্ত্রং তন্ন আস্থব'...ইত্যাদি।

সমবেত প্রার্থনা সমাপনান্তে আমরা সবাই হুঁড়োহুঁড়ি করে রামাবাড়ির হাতার গিয়ে হাজির হতুম জল-খাবারের শোভনীয় উদ্দেশ্যতাদ্ধিত হয়ে। কোনোদিন মোহনভোগ, কোনোদিন রুট আলু-চচ্চড়ি, কোনোদিন বুঁদে, কোনোদিন গজা, কোনোদিন মিহিানা। আশ্রমে চারের পর্ব তখন ভবিষ্যতের গর্ভে নিহিত ছিল। বেশ মনে আছে চৌদ্দ বছর বয়সের সময় প্রবল সর্দিতে দুদিন আধামিশ্রিত চা পান করেছিলাম— জীবনে সেই প্রথম।

জলখাবার থেকে ষট্টা পড়ার সঙ্গে সঙ্গে প্রত্যেক ছাত্রছাত্রী ছুটতে তার বই-খাতা পেন্সিল আর কলমাসন নিয়ে নির্দিষ্ট গাছতলাটিতে রাস করার জ্ঞে। তখন নিয়ম ছিল যে ছেলে বা মেয়ে যে বিষয়ে যে রাসের উপযুক্ত বলে বিবেচিত হত, সে সেই বিষয়ে সেই রাসে পড়বে। আমি প্রথমে গিয়ে ফিঞ্চ রাসে ভর্তি হয়েছিলাম। কিন্তু অর্ধ বেজার কাঁচা বলে আমাকে দিন কয়েক পরে সিল্ধু রাসে নামিয়ে দেওয়া হল। মাসখানেক পরে একটা পরীক্ষার কল দেখে আমাকে ইংরাজি বিষয়টি বোর্ধ রাসে পড়বার অহুজ্ঞা দেওয়া হল। এইভাবে মেধাহাবারী রাসের ইত্তরবিশেষ করার বিধি কিছুকাল পরে তুলে দেওয়া হয়।

ঋতু অমুবিধার সকালের দিকে তিন ষট্টা থেকে সাড়ে তিন ষট্টা রাস চলত। তার পর ছুটি হয়ে গেলে আমরা কলমর করতে করতে নিজের নিজের ধরে ও গীটে বিরতুম। খাতা বই শুছিয়ে রাখতে না রাখতেই মাধ্যাহিক জোক্তানের ষট্টা পড়ত। ঋতু হিসেবে এই ষট্টা বাস্তব সময়ে তারতম্য দ্বিত। মোট কথা এগারটা থেকে বােরটার মধ্যে আমাদের আহাির সমাধা হত।

এইখানেই চতুর্থ অমুবিধার প্রসঙ্গ আসছে। বাওরাটা ছিল নিছক ও নিতান্ত নিরামি রকমের। মাছ-মাস-জিদের প্রবেশ নিষেধ ছিল ব্রহ্মচর্য্যশ্রমে। মাছের বিরহে বেশ কিছুদিন গোপনে ছটকট করেছি। নিরামি আহািরের পদগুলি সংখ্যায় অভিসংক্ষিপ্ত, অত্যন্ত মামুলি ধরণের এবং তাতে বৈচিত্র্য-সাধনের উদারতা কার্টিং পরিশুদ্ধিত হত। ঋতুজাত একাধিক তরকারির একটা ষট্ট বা চর্চড়ি, অড়হর কাঁচামুগ বা মুসুরির ডাল ও আলু বা আলু পটোলোর কাটক-ঝোলা; কচিং ভাজা, কচিং অথল বা চাটনি। রাত্রিতে হুঁক তিনেক করে দুধ প্রত্যেকের বরাদ্দ ছিল, কিন্তু অথল থাকত না। দুধ আমার প্রিয় খাত্ত ছিল বটে, কিন্তু তন্ নিরামিষ্টি কচিটিঠ হতে আমাকে বহদিন ধরে মনের সঙ্গে ষৈরধ যুদ্ধ করতে হয়েছে। ছ মাসের মধ্যেও আমিঘেরে প্রলোভন জয় করতে পারিনি এবং তার প্রলোভনে পড়ে কি ছুঁক্ষা করেছিলাম তা পরে বলছি।

দুপুর বেলা আমাদের কাকর ঘুমাবার জো ছিল না, নিয়মও ছিল না। এই সময় প্রত্যেকে পড়া মুখস্থ করতে ও লেখার কাজ করতে হত। শীতকালে বিছানা পত্র রোদুবে দিতে হত, হামের পর মেলে দেওয়া কাপড় তুলে কুড়িয়ে ও শুষ্কিয়ে রাখতে হত। প্রত্যেক ঘরে প্রতিমাসের একটি নির্দিষ্ট দিনে ছাত্রদের ভিতর থেকে ভোটের ধারা একজন মনিটর নিযুক্ত হত। তার নির্দেশে এক একজনকে এক এক বেলা ঘরঘরবারান্দা ঝাঁট দিতে ও কুঞ্জোয় জল ভরে রাখতে হত।

প্রায় প্রতি ঘরের সামনে পিছনে সুবিধামত খালি জায়গায় ছেশের ফুলের সজ্জীর চাষ করত। মূলো কপি শিম বরবট বেগুন প্রভৃতি আমরা ছোটো ছোটো জমিখণ্ডে কলাতুম। তা ছাড়া নানারকম দেশি বিলাতি ফুলের কার-কিংও করতুম। কবিগুরু মাঝে মাঝে এইসব শিশুবাগিচার বেড়িয়ে আমোদ পেতেন এবং সক্রিয় উৎসাহী ছাত্রদের মাধার হাত দিয়ে আশীর্বাদ করতেন।

আশ্রমে আর একটা কর্তার নিয়ম ছিল কেউ কোনো রকমের জুতো ব্যবহার করতে পারবে না। আমরা সবাই বাড়ি-কে-পরে-আসা জুতো জোড়া কাগজে জড়িয়ে রেখে দিতুম, দীর্ঘ অবকাশ প্রাক্কালে বাড়ি কেবরার সময় আশ্রম-এলাকার বাইরে গিয়ে পায়ের লাল বেলে মাটি বেড়ে খুড়ে পুনরায় জুতো পরতুম। খালি পায়ের শীতকালে ও গ্রীষ্মকালে কাঁকরের মাটির ওপর গিয়ে চলাকোরা বা পৌড়োদৌড়ি করা রীতিমত কষ্টসাধ্য ছিল। শিক্ষকদের কেউ কেউ ক্যামিসের জুতো কেউ কেউ গুড়ম ব্যবহার করতেন; ছাত্র-একজনকে বোম্বাইয় মফসলের চটও পরতে দেখেছি। কবিগুরু জ্বরির পাড় দেওয়া সাধা রয়ের শুড়তোলা চট পরতেন মনে পড়ে; তা কিড লেগারের ছিল কিনা জানি না।

একবার মুর্শিাবাদ কিংবা বীরভূমের এক জমিদারের ছেলে ব্রহ্মচারী আসে বাস করতে এল একজন গৃহশিক্ষক একজন গৃহভূক্ত, চারটি বড়ো বড়ো স্টীলট্রাক, একটি ফল ও খাবার-ঠাসা বেতের বাক্স, একটি হরিণের চামড়ামেড়া হাতশওলা ছোয়ার এবং প্রকাণ্ড এক শ্যাটেল পরিত হয়ে। আমরা চেয়ে ব্যসে সে বছর ছুইয়েকের বড়ো হবে। বেশ নাড়ম-হুসম পোলাও-কালিদা-দ্ব-খাওয়া চেহারা, এবং সিঁহিরে মেঘের মতো, দাঁতগুলো দাড়িম বীজের মতো, কিন্তু চোখ দুটি ঈষৎ কটা ও ছোটো, চুলগুলিও গাঢ় রকমের কটা ছিল।

একটা ছোটো কোঠাঘরে গুটি পাঁচ-সাত ছেলের মধ্যে তার সিট নির্দিষ্ট হল। অজ কারো সঙ্গে সে থাকতে নারাজ, তার পৃথক ঘর চাই বলে বায়না শুরু করল। সে বায়না মেটার আশা নেই দেখে, সে খুঁং খুঁং করতে লাগল। তার পর যখন সেই ঘরের তত্ত্বাবধায়ক মাস্টারমশাই তাকে জুতো ছাড়তে ও মাধার সংযত কাটা অ্যালবার্ট টেডি ভেঙে ফেলতে বললেন, তখন সে প্রথমটা থালা হয়ে মাস্টারমশাইকে ছু চারটে শক্ত কথা শোনাল। তার পর সঙ্গে আগত গৃহশিক্ষক মহাশয় তাকে যত্ন ধমক দেওয়ার সে চূপ করে গিয়ে কাঁদতে কাঁদতে বলল, 'আমি এখানে খালি পায়ের রুক্ষ মাধার নিরামিষ খেয়ে একদিনও থাকতে পারব না। এ ব্রহ্মচারীশ্রম না কয়েদখানা? বাবা কি আমার মূনি খরি করার বয়স্ক করেছে?'

আমি তখন পাশের একটা ঘরে থাকি। পরদিনই তার সঙ্গে বেশ ভাব হয়ে গেল। প্রায় সূর্য বিহয়েই সে আমার ক্লাসে ভর্তি হল। ক্লাস ভাঙার পর সে আমাকে বললে, 'তোমরা এত বই নিয়ে কি করে থাক ভাই?'

আমি ভাই আছই ঠাকুরকে বেশ কড়া করে একটা চিঠি লিখছি। তারপর রোজ একখানা টেলিগ্রাম ঝাড়ব বাবাকে। রোসো, একবার কিরে যাই দেশে, তারপর বাবাই একদিন কি আমাই একদিন।... ছেলেটি কোনোমতে চোখকান বুঁজে বোধ হয় দিন আটেক আশ্রমে ছিল। তার পর জমিদারির ম্যানেজার এসে তাকে কিরিয়ে নিয়ে গেল। সে যে কয়দিন ছিল, সেই কয়দিন আমার পাঁচ ছাট সহায়কৃতিশীল বন্ধুকে সমস্ত পাত্রগুলি খালি করে বিছুই, লজ্জুস, মার্শালেড, জেলি, মোটা আমসত, গোলাপী ও আনারসের সবসং প্রভৃতি আশ মিটিয়ে খাইয়েছিল। তা ছাড়া সে তিন শিশি এসোস, এক শিশি গন্ধ তৈল ও এক শিশি শোশন সস্কে এনেছিল, তার প্রায় সমস্তটাই আমাদের গায়ে কাপড় জামায় ও মাধায় ছিটিয়ে দিয়েছিল। ছেলেটি চলে যাবার পর বেশ কিছুদিন পর্যন্ত তার বিতরিত গন্ধসারের সুবাস তার ঘরের বাতাসে ও আমাদের পরিচ্ছদে অহুনিগুপ ছিল। জীবনে তার সঙ্গে আর দেখা হয় নি।

ঋতুরিশেষে বাড়িইটি থেকে তিনটের মধ্যে আবার আমাদের বৈকালিক ক্লাস শুরু হত। ঘণ্টা ছই ক্লাস চলার পর ছুটি হয়ে যেত। জলখাবার খেয়ে আমরা খেলতে মার্তে ছুটতুম। ফুটবল, ক্রিকেট, হা-ডু-ডু, ব্যাডমিন্টন প্রভৃতি উন্মুক্ত ক্ষেত্রের খেলা। কবিগুরু এক-একদিন এসে আমাদের সঙ্গে খেলায় যোগ দিতেন; ছোটো ছোটো ছেলেদের দৌড়ের বাস্তিতে আহ্বান করতেন।

সন্ধ্যা হবার সঙ্গে সঙ্গে খেলা ভঙ্গ করে সকলে যে-যার সীটে বসে আর একবারের জন্তে অক্ষমণ ধরে উপাসনা করত, তার পর শিক্ষকদের ঘিরে গল্প গাছা ও গানের আসর বসত। ফার্স্ট ক্লাস ও সেকেন্ড ক্লাসের ছাত্রছাত্রী ছাড়া আর কাউকে রাত্রিকালে পড়তে দেওয়া হত না। শিক্ষকমশাইরা বড়ো বড়ো হলঘরের মাঝখানে বসে ছোটো ছেলেদের নানা দেশের প্রবাদ-ছড়া-রূপকথা-সমগকাহিনী শোনাতেন; মধ্যযুগ ছাত্রছাত্রীদের খুশি বিদেশি নানা বিখ্যাত গল্প ও উপন্যাসের সার সংগ্রহ করে মনোমগ্ন ভাষায় কথকতার মতো বর্ণনা করে যেতেন।

প্রসিদ্ধ বিজ্ঞানশিক্ষক জগদানন্দ রায়-মশাই বোধ হয় পনেরো-দুশোদিন ধরে Ivanhoe উপন্যাসের আখ্যান-ভাগ সুরস রূপকথার মতো করে কিস্তিতে কিস্তিতে আমাদের গুনিয়েছিলেন। তার পর তিনি প্রসিদ্ধ বিজ্ঞানীদের জীবনকাহিনী, গ্রন্থকৃত্যুপিবির জন্মকথা সুরস কোঁতুলোদীপক ভাষায় বিবৃত করতেন।

যতদূর মনে পড়ে, তিনিই ধারাবাহিকভাবে David Copperfield, Oliver Twist, Rob Roy, Kenilworth, Vicar of Wakefield প্রভৃতি খ্যাতনামা গ্রন্থকারদের উপন্যাসগুলি গল্প করে আমাদের অবকাশ-বিনোদন করেছিলেন। কোন মাস্টারমশাই মনে নেই—Pilgrim's Progress-এর গল্প ঐভাবে কিস্তিবন্দী হারে গুনিয়েছিলেন। জানবাবু ও বন্ধিবাবু টেডের রাক্ষসান থেকে ও কার্ণাইলের History of the French Revolution থেকে গল্প বলে শুধু আমাদের মনমগ্ন করে রাখেন নি, দেশপ্রেমে উত্ত্বুদ্ধ করে দিয়েছিলেন।

রাত্রি আটটার সময় ছ বছর বয়স থেকে দশ বছর বয়সের ছেলেরা খেয়ে নিত; তার পর আমাদের ডাক পড়ত সাড়ে আটটা নাগাৎ। ন টার মধ্যে শিক্ষক-ছাত্র সকলের খাওয়া থতম হয়ে যেত। সাড়ে ন টার মধ্যে উপরের দুটি ক্লাসের ছেলেরা ছাড়া বাকি সকলকে শ্যাগ্রহণ করতে হত।... এই ছিল আমাদের নিত্যরুত্তর নির্দিষ্ট।

সাধারণত আমাদের ইংরিজি বিষয়ের ক্লাস নিতেন জানবাবু। আমরা ওখানে যোগ দেবার পাঁচ-ছ দিন পরে জানবাবু কলাকাতার চোখের অস্ত্র্যের চিকিৎসা করতে চলে যাওয়ার বিবন্ধি নিজে গেলেন আমাদের ইংরিজি

পড়াতে। তখন আমাদের পাঠ্য ছিল ম্যাকমিলান কোম্পানির স্যামুয়েল ব্রীডারের একটি খণ্ড, বৈশাখিক আঞ্জ পর্যন্ত আমি সংরক্ষণ করে এসেছি। চিড়িয়াখানায সিংহ দেখার একটি গল্প তিনি পড়ালেন। পড়ানো আর গল্প শোনানোর মধ্যে যে কোনো পার্থক্য নেই তা সেদিন চমৎকার বুঝিয়ে দিয়েছিলেন তিনি। প্রত্যেক শব্দের যে একটি রূপ বা বৃত্তি আছে, তার ধর্মনির পোছন থেকে যে একটি অর্থ বাহ বিস্তার করে প্রকাশের পথে আপনি বেরিয়ে আসে, তা তিনি প্রথম আমাকেই দিলেন সেদিন।

তার পর বেশ হয় দুই রাসে পনেরো ঘোষোবার তাঁর কাছে ইংরিজি পড়বার সুযোগ হয়েছে আমার। তর্ক ও জাব অহুয়ারী বিভিন্ন স্বরগ্রামে স্পষ্ট উচ্চারণ করার শৈলীটি তিনি দেখিয়ে দিয়েছিলেন। তাঁর এশোবিউশন ও অভিনয়ের অনগ্রসাধারণ পারগামিতা দেখে আমরা সেই অপরিণত বয়সেই বিশ্বরে হতবাক হয়েছি; আঞ্জ নৃত্যপটে তার প্রতিকলন দেখে আশ্চর্য আশ্রুত হয়ে পড়ি। Indefatigable শব্দটি প্রসঙ্গক্রমে তিনিই শিখিয়েছিলেন, তা আজও মনে রেখেছি। **কবির কথায় বি.এ. এফ.এস. ছাত্রসমাজে এই শব্দটির অর্থ কি?**

এ সময় আমাদের সংস্কৃত-শিক্ষক ছিলেন হরিচরণবাবু। তখন থেকেই তিনি কবিশঙ্কর উৎসাহ ও আশীর্বাদে অহুপ্রাণিত হয়ে শব্দকোষ প্রণয়নের ভিত্তি নির্মাণ শুরু করেছিলেন। বাংলা পড়াতেনো প্রভাতবাবু ও কাশীমোহন-বাবু। ইতিহাস শরৎবাবু। ভূগোল বহ্মিবাবু ও নেপালবাবু। শিক্ষকের অল্পসংস্থিততে গুরুত্ব এক একদিন আমাদের সংস্কৃত ও বাংলা রাস নিতেন। তাঁর কিম্বদন্তি স্মৃতি গলায় সংস্কৃত শ্লোকগুলি যখন উচ্চারিত হত, তখন মনে হ'ত তারা প্রাণকুলিক পেয়ে যেন আনন্দে মত্ত্য করছে। তাঁর কাছে আমরা কণা ও কাহিনীর কোনো কোনো কবিতার পাঠ নিয়েছি। তিনি 'বর্নকুন্তীসংবাদ' ও 'নরকবাসের' কতকাংশ পড়িয়েছেন। রোম হয় 'গান্ধারীর আবেদন' সমস্তটাই আমাদের টীকাটিপ্পনী দিয়ে পাঁচ ছ দিন ধরে পড়িয়ে বুঝিয়েছিলেন। আহতক্বে তিনি রাস নিতেন। শেবোক্ত কাব্যনাটিকাটি আমরা কাপড় টানিয়ে অভিনয় করেছিলাম। কবিশঙ্কর নিজে দুপুরবেশা কদিন ধরে আমাদের কব্জন অভিনেতাকে আবৃত্তি ও অভিনয়ের অভভক্তি শিক্ষা দিয়েছিলেন। যতদূর মনে পড়ছে প্রবেশ বলে একটি ছেলে দ্ব্যস্তরী, প্রচ্যোং (নেমগুণ) গান্ধারী ও আমি ছুর্বেধনের ভূমিকা গ্রহণ করেছিলাম।

কবি তখন 'দেহালী' নামক পুরনো দোতলা গৃহের উপরেই তলায় বাস করতেন। উদয়ন-উদীচী-শ্যামলী পুনকরা তখন রাজকুমারীর কর্তিকের স্পর্শ থেকে বহুদূরে কল্লাকোরণও উৎসর্গ ছিল। 'হাতকোঁড়ক' ও 'ব্যান্দকোঁড়ক' থেকেও আমরা দুখানি নাটিকা অভিনয় করেছিলাম। প্রত্যেকটাতোই আমি একটা উল্লেখযোগ্য ভূমিকায় অবতীর্ণ হয়েছিলাম। রোম দুপুরবেশা একটা দেড়টার সময় কবিশঙ্কর করালপাতা বড়ো ধরধান্যে আমাদের সন্মতকালে গিয়ে হাজির হতুম এবং মহলা দেবার সময় তাঁর সুশ্রাব্য বকুনি খাবার জ্বলে প্রস্তুত থাকতুম।

দুপুরবেশা কখনো তাঁকে নিভ্রাগত হতে দেখি নি; আঞ্জীবন তিনি সংস্কৃতনিজ ছিলেন। রাত্রিতে তিনি শুভনে বারোটার সময় এবং শয্যাভ্যাগ করতেন চারটে থেকে সাড়ে চারটের মধ্যে। সারাদিন তিনি ইহলৌকিক ও পারলৌকিক সহস্র কাজের মধ্যে নিজেকে নিযুক্ত রাখতেন। জগতের স্রষ্টকীর্তি শ্রেষ্ঠ পত্রলেখকদের মধ্যে তিনি অসতম ছিলেন—এ বিষয়ে সম্বেদের অবকাশ নেই। শুনেটি নেপোলিয়ন তাঁর স্বল্পায়ু ক্ষমতাকালের মধ্যে ছোটো বড়ো প্রায় চল্লিশ হাজার চিঠি সন্ধিপত্র ও দলিললতাবেজ কর্মচারীদের দ্বারা লিখিয়েছেন নিজে সংস্বেধান ও সেই করে গেছেন। আমরা ধাবণা, কবির আঁকেশোর স্বহস্তলিখিত পত্রসংখ্যা চল্লিশ হাজারের কম হবে না। দুপুর

বেলার বেশির ভাগই তিনি পত্র লেখার ব্যয় করতেন। নতুবা পড়াশুনায় জুবে থাকতেন। কোনো কোনোদিন তাঁকে নিজের হাতে কাপড় সোঁচাতে ও জামা পাট করে নিপুণ হয়ে ইঞ্জি করতে দেখেছি। চাকরবাকরদের অনেক কাছই তাঁর মনোমতো হত না বলে তিনি লেগলো নিজে করে ছুঁপিবোধ করতেন।

আশ্রমে আঁসার তিন চার দিন বাদে একটা ছুটির দিন সকাল নটা নাগাৎ অভিজিতবাবু আমায় সঙ্গে করে কবির কাছে নিয়ে গিয়েছিলেন। কবি তখন দেহলীর দক্ষিণের গান্ধিবারান্দার ওপর একখানা ইঞ্জিয়েরে প্রায় পূর্ণাঙ্গ হয়ে বসে আছেন। সামনে একটা ছোটো টেবিলের ওপর খুঁকে পুড়ে গান কিংবা কবিতা লিখছেন। শিরাব ও আমলকি গাছের পত্রজঙ্ঘের ছাঁকনি দিয়ে হিমেল প্রভাতের অংশুল আভা বেরিয়ে এসে তাঁর মুখানিকে উজ্জ্বলিত করে দিয়েছে। তার মাথার চুল ও পৌঁকদাড়ির অর্ধেক ভাগ কাঁচা ছিল তখন, কিন্তু পরিশ্রুত স্বর্ধালোকে তার আগাগোড়াই রূপালী দেখাছিল; সমস্ত মুখমণ্ডলে যেন একটা অস্পষ্ট ডব্বিল পেলব দ্রুতির বাছুরোষা জড়ানো হয়েছে দেখলাম।

অভিজিতবাবু কবির দৃষ্টপথে পড়ামাত্র আমাকে সামনে এগিয়ে দিলেন কবির দিকে। আমি সলঙ্ক শব্দায় প্রণাম করে একটু পেছিয়ে পাড়াতেই অভিজিতবাবু বললেন: 'এই ছেলেটির কথাই শশধরবাবু আপনাকে লিখেছিলেন।'

আমার বাবামায়ের গুরুভাই কলকাতার প্রসিদ্ধ পুস্তকপ্রকাশক এন্. সি. বোসের ছেলে— কদিন আগে আশ্রমে এসেছে।' কবি বললেন: 'হী, মহাপুরুষ বিষয়ক্কুষ গোষামীর শিষ্টশিষ্টা গুঁরা তা জানি। শশধরবাবু এর কথা লিখেছিলেন বটে।'

সোনার স্ক্রমে আটা পাসনে ঝোড়া নাকে লাগিয়ে আমার দিকে অতল বেহভরা দৃষ্টিতে তাকিয়ে আমার নাম জিজ্ঞাসা করলেন; তার পর সুধানেন: 'কত বছর বয়সে মা হারিয়েছ? উত্তর শুনে বললেন: 'বিমাতা আনেন বুঝি? ওহে অভিজিত, তোমার মাকে বোলো মাকে মাকে এই ছেলেটির একটু খোঁজ ধর নিতে।'

স্বপ্নস্বপ্নমাখা আয়ত চোখ ছুটি তাঁর অশ্রুজলে ছল ছল করে উঠল। অল্প বয়সে মা হারানোর ব্যথা তিনি মর্মে মর্মে জানতেন; তাঁর ছেলে মেয়েরাও কিছু জানত।

একটু-আধটু গান গাইতে পারি শুনে বললেন: 'সন্দের পর আমি কিংবা দিছ যখন ছেলেমেয়েদের গান শেখাই, তখন মায়ে মায়ে গল্পের আসর জেড়ে এসে দু একখানা করে গান তুলে নিও গলায়।' ... সংগীতভবন, কলাভবন প্রভৃতির সঙ্গি হয় নি তখনো। হারমোনিয়ম, সেতার প্রভৃতির সঙ্গে বিভিন্ন রাগরাগিণীর অঙ্কুরে সাং-সা-ম দেখে গলা তৈরি করার ঐতিহ্যগত প্রথা ছাত্রছাত্রীরা যেনে চলত না তখন। তবে মেয়েদের হোস্টেলে দুই তিনজন ছাত্রী সেতার ও এস্রাঞ্জ নিয়ে কসরৎ করত শুনেছি।

নৃত্য আমরা ঈগণ্ডাল ও বাউরিদের কিংবা পৌষলোয়ার কবি কুমুর দলের আঁসরে অসম্পূর্ণ কোঁতুহলে দর্শন করেছি; কিন্তু আশ্রম বালকবালিকাদের পায়ে কখনো সে তারীন্দ-হিহোল ভাগায় নি। জাগিয়েছিল প্রায় দশ বছর পরে বিশ্বভারতীর স্মৃতিত অস্তর্বেবতা। পাঠ-ভবনের প্রশস্ত প্রোঞ্জল সৌধগরিমা ব্রহ্মচর্য বিদ্যালয়ের কঠরোধ করেছি তখন।

সংস্কৃত কবির তেজ বিবেচনা করলেই স্বহস্তে কবিতা বা পত্রলেখকদের
কোন পত্র লেখার উদ্দেশ্যে আমরা উনাত্তর ও বিজয় সান্নিধ্য
করতে চাই। স্মৃতিগুণের কারণে
এতে পারেন।

স্বভাবগতভাবে যাদের 'সুরজ্ঞান, নিষ্ঠবর, মোটাটুটি ভাল ও মাত্রাজ্ঞান ছিল, তাদেরই কবিগুরু ও তাঁর সুরধর পোড় তাঁদের মাশুলি অর্গ্যদের চার পাশে টেনে এনে, 'ঐক্যশে' লেখা প্রায় সমস্ত গানই টাটকা-টাটকা গলায় বসিয়ে দিতেন। একমাত্র রাসে ও ঝাঙার সময় ছাড়া আর কোথাও গুঞ্জন করে বা গান ছেড়ে আপন মনে বা পাঁচখনে মিলে গান গাওয়ার কোনো যান ছিল না, বাধা ছিল না। আমরা তখন অনেকই 'সুরের সুরধুনীতে শিশু-মুগ্ধ চপল উম্মাদে সকাশ থেকে সন্ধ্যা পর্যন্ত তাঁদের ধার খেঁচো সীতার শেলেছি। অনেকেরই আমরা গানের ওস্তাদ হই নি বটে, কিন্তু অস্তুরে অস্তুরে 'সুরজ্ঞ ও সুররসিক হয়েছি, গান দিয়ে নিজের বিচ্ছেদ-বন্ধনা-বার্ঘতা-বেদনার তাঁকতাকে ধর করতে পেরেছি— ভুবনের গায়ে হাত বুলিয়ে সুখে বেড়াতে পেরেছি।

আমার অবস্থানের সময় গীতাঞ্জলির শ্রেষ্ঠ গানগুলি কবি লিখছেন ও তাতে সুর সংযোজন করছেন। শান্তি-নিকেতনে বসে যে গানগুলি তিনি লিখতেন, সেগুলি সঙ্গে সঙ্গেই প্রথম দিহুবাবুকে ও তার পর একদল বাছা (হল বারো জনের বেশি নয়) ছাত্রছাত্রীর গলায় তুলে দিতেন। দিহুবাবু কবির প্রত্যেক গানের নোটেশন রাখতেন। মাঝে মাঝে কবির জাতুশ্রী ইন্দ্রিকান্দেবী চৌধুরানী ও ভাগিনেয়ী সরলাদেবী চৌধুরানী বেড়াতে এসে কবির নিকট থেকেই মনে দিহুবাবুর নিকট দিকের মধ্যবর্তী সময়ে লেখা কবির অধিকাংশ গানের সুর তুলে নিয়ে যেতেন। কবি ও দিহুবাবুর কাছ থেকে কবির অস্বস্ত: যখন বাটেক গানের মধ্য থেকে বৈজ্ঞানিক সুর আনতে গিয়েছিল মনে রেখেছি এবং সত্যর-মঙ্গলসি-তারে-বেতারে যাদের নির্ধাতনজনিত আর্দ্রার প্রায়ই গুনতে পাই, সেগুলো থেকে কয়েকটির উল্লেখ এখানে বোধ হয় আশ্চর্যন হবেন না। যেমন, 'লগ্নং হুড়ে উদার সুরে', 'হুমি কেমন করে গান কর', 'ধরি তোমার দেখা না পাই প্রভু', 'এসো যে এস সঙ্কল ঘন', 'পারবি না কি যোগ দিতে', 'শরতে আজ কোন অতিথি', 'পায়ে আমার পুঙ্ক লাগে', 'আসনতলের মাটির পরে', 'আজি বসন্ত জাগ্রত ঘরে', 'বিশ্ব যখন নিজামগন', 'আমার বেলা এখন ছিল তোমার সনে', 'হজে তোমার বাঁকে বাঁশি', 'ধায় যেন মোর সকল ভালোবাসা', 'এই বলেছ ভালো নিষ্ঠুর', 'ধাবার দিনে এই কথাটি', 'জীনেই বসে পূজা ঘন সাগর' ... ইত্যাদি।

কবির প্রোঁচ বয়সের অভিনয় দেখার সৌভাগ্য হয়েছিল আমার। একবার প্রায়শ্চিত্তে ধনঞ্জয় বৈরাগীর ভূমিকায়, আর একবার কিসে কোন ভূমিকায় মনে করতে পাচ্ছি না। গেলুম আল-বাঞ্জা-পর্যায় মাধার পাগড়ি-জড়ানো শালশিঙুর মতো তাঁর স্তূর্ণীর দেহ এখানো স্পষ্ট চোখের সামনে ভেসে গুঁঠে। 'ওরে আভন আমার ভাই আমি তোমার জ্বর গাই' 'বল ভাই ধন্য হরি',— 'আমারে পাড়ায় পাড়ায় খেপিয়ে বেড়ায়' এই তিনখানা গানে কবি মনোহরন ভাবচকল তাণ্ডব দেখিয়ে দর্শক প্রাণে পুঙ্ক শিহরণ জাগিয়ে দিয়েছিলেন। তাঁর অপরাধাঙ্কিত কণ্ঠে 'গ্রামছাড়া ঐ রাজা মাটির পথ' এখানো হৃৎকন্দরে প্রতিধ্বনি তোলে। কোথাও রাজা মাটির পথ দেখলে তার দূরতম প্রান্তসীমায় ধনঞ্জয়রূপী কবিগুরুর ছায়াস্ফীত মনে দেখতে পাই। প্রায়শ্চিত্তে কামাতা রামচন্দ্রের ভূমিকা গ্রহণ করেছিলেন জগদানন্দবাবু ও বিভার চরিত্রে অবতরণ করেছিলেন শিক্ষক শ্রীমতীয়ে মুখোপাধ্যায় মহাশয়।

আমি তখন নাট্যঘরের এক-টুকু-টুকু-করে-গাথা পাকা মঞ্চের ওপর একটা সীটে থাকি। আমার পাশেই পরবর্তী কালের প্রথিতযশা চিত্রশিল্পী মুকুল দে থাকত। বয়সে কিছু বড়ো হলেও ও প্রায় সকল বিষয়েই আমার সহপাঠিত্ব করত। তখন থেকেই ও ছবি আঁকার মন গিয়ে পড়াশুনোর অবশেষা কবুত বাঁসা কবিগুরু ও কিত্তিমাহনবাবু ওকে মাঝে মাঝে তিরস্কার করতেন। নাট্যঘরে যে রাত্রিতে অভিনয় হত, সেদিন কিঙ্কাল বেলায়ই

অধিবাসী ছাত্রদের তক্তাপোষগুলি বাইরে বের করে দেওয়া হত; খাতা বই বিছানা বাক্স অস্ত্র ঘরে সরিয়ে রাখা হত।

একবার উঁচু রাসের ছাত্ররা কবির লেখা 'বিগলন' অভিনয় করেছিল। এতে জয়সিংহের ভূমিকা মনে মনোরঞ্জন রায়চৌধুরী (সরোজরতনের দাশ), রঘুপতির ভূমিকা মনে জগদানন্দবাবুর পুত্র ত্রিগুণানন্দ রায় (পটল দা), অপর্যাপ্ত করেছিলেন শ্রীহরীরঞ্জন দাশ, নক্ষত্রাধিপতিকা করেছিলেন কাশীনাথ দেবল। গোবিন্দমাণিকা যিনি করেছিলেন তাঁর স্থখানি স্পষ্ট মনে আছে, নাম তুলে গেছি।

কবি যখন অভিনয় শিক্ষা দিতেন, তখন আমি স্মৃশীল প্রবেশ সন্তোষ প্রভৃতি জনকয়েক ছুঁই ছেলে স্থানলার বাইরে থেকে দাঁড়িয়ে দেখতুম ও শুনতুম। শিক্ষকদের ভাড়া খেলে পালিয়ে আসতুম। মনে পড়ে— সুধীদার পের দু'ছত্রে গান 'আমি একলা চলেছি এই ভবে' গুরুদেব বার বার নিজে গেয়ে ওর ক্রটি শুধরে দিয়েছিলেন। সুধীদা তখন খুব বেগো ছিলেন; চেউ-খেলানো একগাধা মাথাভরা দুল ছিল যা অদৃষ্ট-দেবতা নিতান্ত অবিচার করে প্রোঁচদের স্মৃচনার নির্মমহতে মুছে দিয়েছেন। অভিনয়ের দিন আমি আর স্মৃশীল স্টেজের ভেতরে থেকে অভিনয়তা দ্বারাদেশে ফাই-করমস পাঠারার অধিকার পেয়েছিলাম। হঠাৎ অভিনেতাদের পেট করতে করতে ক্রিক পেট হয়ে গেল। সুধীদার তখন আধখানা অর্থাৎ মুখের একদিক পেট হয়ে গেছে। **যাকি জর্ধেই মুখ তখনো** **সুভাবগত কণ্ঠবনিত্যে গেষ্টে।** আমাদের ওপর হুকুম হল দেহশীতে ছুটে গিয়ে গুরুদেবের কাছ থেকে অস্বস্ত আর একটা ক্রিক পেট চেয়ে

নিরে আসতে। সন্ধ্যা সাড়টা, আকাশে মেঘ ধম ধম করছে, দূর থেকে মাঝে মাঝে গুড় গুড় আওয়াজ শোনা যাচ্ছে। গুরুদেব দেহলীর গাড়িবারান্দায় তখন বেড়িয়ে বেড়াচ্ছেন আর অর্ধোচ্চ করে গাইছেন—'একট মনকারে প্রভু, একট মনকারে।' আমাদের দিকে হঠাৎ দৃষ্ট পড়তেই জিজ্ঞাসা করলেন, 'কি চাই রে তোদের?' আমি বললাম: 'গুরুদেব, আর একটা ক্রিক পেট চাই। সুধীদার মুখের এক দিক এখানো পেট হতে বাকি রয়েছে।' শুনে ক্রমিক কোপের স্বীকৃতি দিয়ে বললেন: 'সুধী কি মেম মাঝে মাঝে সাঝতে চায়? করছে তো জিহিরি মেরের পাট, দামী পেট এতঁ ষরত করলে না। যা তাকে চাই হয়ে অভিনয় করবে মুকণে যা।' ... কথার অর্থ না বুঝে আমরা দুজন হাঁ করে গাড়িয়ে রইলাম। একটু সুর নামিয়ে বললেন: 'মুখের যে দিকটা পেট করা সেই দিকটা দর্শকদের দিকে কিরিয়ে ওকে অভিনয় করতে বোলগে বা।' বলেই ঘরের ভেতর গিয়ে গা-আলমারি থেকে একটা ক্রিক পেট বের করে এনে স্মৃশীলের হাতে দিলেন। স্মৃশীল গুরুদেবকে টেঁচিয়ে, বলতে বলতে সিঁড়ি দিয়ে নামতে লাগল—'আপনি নীলগিরি আছেন, অভিনয় এখনি আরম্ভ হবে।' সে রাত্রিতে পটলদার রঘুপতি সঙ্কলের অভিনয়কে রান করে দিয়েছিল। 'এ জগৎ মহা হতাশালা..... হতাশা অধরণের মাঝে, হতাশা লোকালয়ে— এই নির্ণয় সত্যবাপী আঝো কানে বাজে।

কবির Witticism ও bon mots এক এক সময় অপায়ে বর্ণিত হত। এই সুরে বহুদিন পরের একটা ছোটো ঘটনার কথা উল্লেখ করি; এটা কবির নিকট সম্পর্কার আমার এক বন্ধুর নিকট শোনা। বনমাশী ছিল কবির বন্ধুদের বিশ্বাসভাজন প্রভাবান ভূতা; কবি তাকে আদর করে নীলমণি বা নীলমণি বলে ডাকতেন। তখন কবি ছিয়াত্তর বছর বয়স উত্তরণ করেছেন, শরীর একটু একটু করে অসুস্থ হয়ে পড়ছে, কোমর বাঁকছে, মাঝে মাঝে ছোটোখাটো অসুখে ভুগছেন, তবু একগু চুপ করে বসে নেই তিনি। তখন উলি বোধ হয় উদয়ন থাকেন।

ভোর রাজ্বেই প্রবল কাঁপুনি দিয়ে জ্বর এসেছে। সকালে উঠে পুস্তকখণ্ডে কিছু বসেন নি। কিছু কল ও দ্রুপ সেয়েছেন। বারান্দায় একখানি আরাধ-কোদারায় একখানা কাম্বীরী শালপোষে আপাদমস্তক মুড়ি দিয়ে অর্ধশায়িত অবস্থায় ছোপ বুজ ছুপচাপ পড়ে আছেন।

বেলা আটটা নাগ্ন্য বনমালী একটি বেতপাথরের রেকাবিতে করে বান-চারকে সিদ্ধার্থ এনে একটা ছোটো তেপারায় রেখে তাঁর কোদারার কাছে টেনে আনল। কবি চোখ মেলালেন না দেখে সে সবিনয়ে নিবেদন করল: 'কর্তাবাবুশাই, গরম গরম সিদ্ধার্থ এনেছি ক'খান, তাড়াতাড়ি ইচ্ছে করুন দয়া করে।' মিনিট খানেক পরে আর একটা সমস্ত তাগাদা দিতেই কবি নিম্নোক্ত নেজেই বেশ গভীর গলায় ধীরে ধীরে বললেন: 'নীলমণি, তোমার গরম সিদ্ধার্থের চেয়ে অনেক বেশি গরম শরীর নিয়ে বসে আছি। হৃৎকাস্তবাবুর তাপ যদি সিদ্ধার্থের চেয়ে কম থাকে তো তাঁর কাছে নিয়ে যেতে পার।'...

প্রতি গুরুবার সন্ধ্যায় কামন্দিরে শিক্ষক ও ছাত্রছাত্রীদের উপাসনা ও উপদেশপ্রবণ হত। শান্তিনিকেতনে থাকলে কবি নিজে আচার্যের কাজ করতেন; না থাকলে কখনো অজিতবাবু কখনো জানবাবু কখনো কাশীমোহনবাবু কখনো বা বিশ্বেশ্বরবাবু নতুন কিত্তিমোহনবাবু আচার্যের আসনে বসতেন। মন্দিরের ভেতর আলো জ্বলত না; যারা লঠন নিয়ে আসত, তাঁরা পথের পাশেই গাটো করে দরজার কাছে রেখে দিত। গুরুবোধের বস্তুতার দিন বড় ও মাঝারি বয়সের জনককে ছাত্র বা ছাত্রী দরজার মাঝে ভিত্তি লঠনের আলোর কাছে কাগজ-পেন্সিল নিয়ে বসে তাঁর উপদেশবাণী শ্রবাসাধ্য টুকে নিত। আমিও মাঝে মাঝে এ কাজে ব্রতী হতাম। আমাদের দলে সবচেয়ে বেশি উৎসাহী ছিল প্রমোদ আর নরেন দা (নন্দী)। অতঃপর এই অস্থিখিত উপদেশগুলিকে কেন্দ্র করেই 'শান্তিনিকেতন' নামক প্রবন্ধাবলী দানা বাঁধে।

ব্রহ্মচারীসে মাত্র দু'বছর অবস্থানের নানা রঙের দিনগুলি পকাশবৎসরোক্ষেও স্মৃতির পরতে পরতে অক্ষয় হয়ে আছে। চলতে-কিরতে বা নিশ্চিন্ত বিরামের ছিন্নশপ দিয়ে কতদিনের কত টুকরো টুকরো কথা বহু বতো হস্তমধুর ঘটনার ছবি সংজ্ঞাত মনের পরে প্রতিকল্পিত হয়ে ওঠে।

শিক্ষক নগেন্দ্রনাথ আইচ ও তাঁর আগে দু'জন সহকর্মী আশ্রমটিকে একেবারে বৈদিক যুগের আদর্শে গড়ে তুলতে বন্ধপরিকর হয়েছিলেন। তিনি সারা সকালবেলাটা তসরের কাপড় চাদর পরে খড়ম পায়ে দিয়ে যুগুতেন। আশ্রমে চিহ্নসূত্রী পুস্তক বিধি ছিল না বলে তিনি ফুল ভুলে একান্তে কুশাসনে বসে বিভিড়কি করে মন্ত্রপাঠ করতেন এবং ইষ্টদেবতার উদ্দেশ্যে ফুল নিবেদন করতেন। গুরুবোধ ও ক্ষিত্তিমোহনবাবুকে ক্রমাগত তাগাদায় অস্থির করে তিনি একদিন আশ্রমে একটা পুরুষ-স্বাতীর হরিণ-শিশু আনিয়ে পোষার ব্যবস্থা করলেন।

জগদানন্দবাবুর দশমবর্ষীয় ভ্রাতৃপুত্র আলুর (সুক্টিনন্দনের) সাপ মারার যেমন ব্যতিক ছিল, তেমনই জীবজন্তু পোষারও দাক্ষিণ্য সূচ ছিল। মাঝে মাঝে বেড়াল, কুকুর, বেঙ্গি, পাখি প্রভৃতি পুত্র ও বিশ্বয়করভাবে তাদের বাধ্য করাত। সাহসও ছিল তার অসাধারণ রকমের। বধেই সাপের ভয় আছে জেনেও সে আলুরের কোদারনে টুক কোদারুল তুলে আনত। হরিণ-শিশুটি দিনের বেলা সকলের চোখের ওপর থেকে মাঠে চরত। সন্ধ্যার সময় আলু ও তাপে ভুতোর তবাবধানে থাকার জন্তে তাপে গৃহপ্রাচীরের অন্তরালে অন্তরায়িত হত। মাস দুয়েকের মধ্যে সে

বেশ ইষ্টপুত্র হয়ে পড়ল এবং শিশু দুটিও বেশ খানিকটা শবিত হল। মাঝে মাঝে সে শিশু দিয়ে এ-গাছ ও-গাছের বাকল চিরে কেলেত। নগেনবাবু সকালবেলা দুয়ের মাঠ থেকে কচি খাস সংগ্রহ করে এনে তাকে স্বহস্তে সযত্নে খাওয়াতেন। হরিণটি আইচ মশাইয়ের খুব বাধ্য হয়েছিল; অনেক সময় তাঁর পেছনে পেছনে যুগুত, এক-একদিন তাঁর ক্লাসে গিয়ে তার পাশটিকে হুপ করে টাঁড়িয়ে থাকত। একদিন কিশোর হরিণটি তাঁর চাদরের খানিকটা দাঁত দিয়ে ছিঁড়ে নিয়ে চিবিয়ে বেয়ে কেলেছিল। অবোধ শিশু বলে তার এই প্রলগুত অনিষ্টপাথন তিনি ক্ষমাশূদ্রর চক্ষে দেখেছিলেন।

একদিন সকালে জলধারার খেয়ে আমরা ক'জন ক্লাসে যাচ্ছি, এমন সময় জগদানন্দবাবুর বাড়ির চক্ষিপ ঝিকটোতে নগেনবাবুর রক্তন আর্তনাদ শুনতে পেয়ে সেইদিকে দৌড়ে গেলুম। গিয়ে দেখি নগেনবাবু মাটিতে বসে সজলচক্ষে কাভরাঙ্কনে আর কাপড়-চাদরের খুলো ঝাড়ছেন। নগেনবাবু পুশ্চয়ন করছিলেন, এমন সময় তাঁর আদরের হরিণ আচম্বিতে পেছনে এসে রহস্ত করে কোমরের কাছাকাছি আয়গায় বেশ সজ্বরে হুঁ মেরেছে। পরক্ষণেই তিনি তুলতলশারী হন এবং টাঁকার করতে থাকেন। জগদানন্দবাবু হ'কা-হাতে তাড়াতাড়ি বেয়িয়ে আসেন, আলু বিদ্রাংঘেয়ে বেশি এসে হরিণটাকে আছামতো লগুড়াঘাত করে। হরিণটা তখন আলুরের মাঠে পালিয়ে গিয়ে নির্বিচারিভাবে মরা খাস চিবিয়ে প্রাত্যর্শন করছিল। নগেনবাবুর দাঁড়বার শক্তি ছিল না; বড়ো ছেলেরের চারজন তাঁকে চ্যাঙ-মোশা করে তুলে ঘরে পৌঁছে দিল। তিনি খাবার পথে সফল কঠে উন্মার অগ্নিব্রাহ্মণি মিশিয়ে বলতে লাগলেন: 'বেইমান, বেইমান, পাশী, বদমায়েস!' কত খাস খাইয়েছি, শেবটা আমাকেই!—? কাশিদাস এই সন্দেহনে জাতকে মহারাঙ্ক দুহস্তের বাণের আঘাত থেকে বাঁচিয়ে গেছেন! ছিঃ ছিঃ!—' দিন কয়েক পরে হরিণটিকে কোষায় নির্ধাসনে পাঠানো হল আমরা জানতে পারলুম না।...

ব্রহ্মচারীসে আমরা দুই স্বভাবকে একেবারে ভুলে যেতে পারি নি। নতুন পরিবেশে গিয়ে অনেকের সঙ্গে মিশে আমাদের দুইমি খানিকটা প্রশ্রিত হয়েছিল, খানিকটা রূপ-পরিবর্তন করেছিল। নির্দোষ দুইমিকে কবি কখনো অপ্রীতির চক্ষে দেখতেন না। ছেলেরের হুহুতা, বাছন্দ্য, দৌন্দর্শবোধ ও সত্যনিষ্ঠাকে তেতাপাথির জীবন-যাত্রার চেয়ে বড়ো দেখতেন তিনি। দুই ছেলের দল নিয়ে তিনি ঝড়ুটি মাথাধর করে এক একদিন গাইতে বেরিয়ে পড়তেন; তাঁর সঙ্গে ছুটেতে ছুটেতে গেছি আমরা অকস্মাৎ-জল-কলোচ্ছালী কোঁপায়ের দার পর্যন্ত; বাইরে গাইতে গেছি— 'পারবি না কি বোগ দিতে এই ছন্দে রে। খসে যাবার ভঙ্গে যাবার ভাঙবাইই আনন্দ রে।' ...তিনি আমাদের একদল দুই ছেলেকে শিথিয়ে-পড়িয়ে একবার একটা ছেলেশেখার সার্কাস শো দেখিয়েছিলেন।

ঊর্জা হিম্ময়, ধর্ম হিম্ময়, কুনো সন্দেহবাহী হয়ে পড়েছিলুম; এখানে প্রকৃতির উদার উন্মুক্ত খেলাঘরের শক্তজনের সান্নিধ্য ও কবিগুণ্ডর সেহময় প্রভাব শাভ করে জীবনের ভোল পাঠে গেল। ক্রমে আশ্বিনবাসের সঙ্গে সঙ্গে ভবাবস্থিরাশে প্রকৃতিগত হতে পেরেছিলুম। ব্যক্তিগত দুইমির দুটামাঝে দুটামুট দিয়ে এই দীর্ঘ প্রবন্ধের ওপর যবনিকা টানব।

প্রথম প্রথম নিরাশিবিহারের বেরনা অসহ বোধ হয়েছিল— 'আশেই বলেছি।' আগে থেকেই স্তম্ভীল ও আর কোনো কোনো ছেলে বোধ হয় মধ্যে মধ্যে আশ্বিন-নিয়ুক্ত ঘেধরদের ঘরে গিয়ে চুরি করে কাঁটা বা সিদ্ধি মনে বেয়ে আসত। নিরাশি বিজ্ঞানের দুঃখে আমাকে স্তিমরাণ ঘেবে একদিন ও আমাকে বন্দনা: হাচ-মাংস না বেলে কখনো শরীর টেকি? এ বড়ো অন্যায় নিয়ম। দীপাবু আর তার ছেলে দুজনেই রোজ দুগুণিটনের শ্রীভ করেন,

যদিও মুসলমান বাবুর্চিটা আশ্রম এলাকার বাইরে রামা করে। আমাদের বেলায় যত দোষ—না? লুকিয়ে তোকে একদিন মূর্গির ভিম খাওয়াব। খাবি? এক পরশায় একটা। কাঁচা খাবি না সেক্ষে খাবি?...

পরদিন বিকেলে খেলতে না গিয়ে আমরা দুজন এগিক-ওদিক চেয়ে মেঘরদের কুটিরসংলগ্ন একটা ছোট্ট গোলপাড়ার বোপাড়ার মধ্যে টুক করে ঢুকে পড়লুম। নর্দমা-বোওয়ার-কাজে-ব্যবহার্য গোটা কয়েক হাঁড়ি-বলমি ও কয়েকটা কাঁচা ছাড়া সে ঘরে আর কিছু ছিল না। একটা উপুড়-করা হাঁড়ির তলায় একটা নারকোল-মাশার অর্ধাংশ ছুটি সিদ্ধ-করা মূর্গির ভিম এবং কাগজে-মোড়া একটু হুম ছিল। আমরা নারকোল-মাশা থেকে ভিম ও হুম তুলে নিয়ে, খোশা ছাড়িয়ে পরিতৃপ্তি সহকারে তার সন্ধ্যাবহার করলুম। পরিশেষে হাত-মুখ, নারকোল-মাশার মধ্যে ছুটি পরশা রেখে দিয়ে চুপিসাড়ে ভালোমহুখটির মতো বেরিয়ে এলুম।

সন্ধ্যার সময় ঘরে ঢোকান আগে আমাদের রোল-কল হওয়ার নিয়ম ছিল। রোল-বল নিতেন প্রায়ই ক্ষিতি-মোহনবাবু। সেদিন রোল-কলের পর ক্ষিতিমোহনবাবু স্ত্রীশীলকে আর আমাকে জেঁকে পাঠালেন। মেঘরদের ঘরে গিয়ে ভিম খেয়েছি কি না সপর্শনে জিজ্ঞাসা করলেন। আমি নামে আমাদের বয়সী একটা ছেলে সেই বয়সেই গুপ্তচরবিদ্যায় বেশ পটু হয়ে পড়েছিল। ছেলোদের ক্রটি বিচ্যুতি সে অলক্ষ্যে লক্ষ্য করে ও তা কর্তৃপক্ষের কানে তুলে দিয়ে পুলিশিত হত। সে বোপাড়ার পিছনের দরজা দিয়ে আমাদের ভিম-ভোজনের পাপি কাঁথি বচক্ষে দর্শন করে সরে পড়েছিল। দোষ অস্বীকার করার উপায় ছিল না। পরদিন আমাদের সকাল-বিকালের জলযোগ বন্ধ— এই শাস্তি অবনতমণ্ডকে গ্রহণ করলুম বটে, কিন্তু হুবেলাই লুকিয়ে স্ত্রীশীল তার জননীর কাছে নিয়ে গিয়ে আমার কিছুটা খাইয়ে এনেছিল।...

আশ্রমে যোগ দেওয়ার মাস দুয়েকের মধ্যে আর একটা ঘটনা ঘটে। একদিন রোল-কলের লাইনে দাঁড়িয়ে সন্তোষ বলে পার্শ্ববর্তী একটু ছেলে আমার চুপি চুপি শিথিরে দিল: 'এই শোন, মাটারমশাই (ক্ষিতিবাবু) রোল-কলের শেষে যখন বলবেন ডিসমিস, তুই 'আধা পরশায় কিশ'মিশ' চেষ্টিয়ে বলে ছুটে পালিয়ে যাবি, বুঝি? খুব রুগড় হবে।' তর্কসংশয়ের অবসর ছিল না; সন্তোষ ভালো ফুটবল খেলত, সার্কসী কসরৎ জানত, আমাকে বুনো কল খাওয়াতো। কাজেই যথাসময়ে ^{সেই} শাস্ত্রীমশাই চেষ্টিয়ে ডিসমিস বলায় সঙ্গে সঙ্গে সন্তোষপ্রদত্ত শর নিষ্ক্ষেপ করলুম এবং দিবিদিকজ্ঞানশূন্য হয়ে আশ্রমকূলের দিকে ছুটে পালালুম। পেছনে একটা হাদির ছলোড় উঠেছে এবং আমার গ্রেপ্তার করতে একলল বড়ো ছেলে ছুটেছে— গুনতে পেলুম। দুমিনিটের মধ্যে ধরা পড়ে বিচারকের সম্মুখে আনীত হলুম। ক্ষিতিবাবু 'বেজায় অসভ্যতা শিখেছ—না?' বলে ধী হাতে আমার চুলের মুঠি ধরে অজ্ঞ হাতে এক বিরোধী সিদ্ধা ওজনের অগদ্যনী ঘূষি মারলেন পৃষ্টদেশে। পিঠের ব্যথা তুলতে অনেকদিন লেগেছিল।

পূর্বা-দক্ষিণ দিকের চালাধরটিতে সেই রাজ্বেই ক্ষিতিবাবুর সীতের পাশে স্থানান্তরিত হলাম। মুকুল কিছুদিন আগেই সেই ঘরে অধিষ্ঠিত হয়েছিল। এখানেই আমার শান্তির সমাপ্তি হয় নি। ক্ষিতিবাবুর খাটের নীচে ঘণ্টা-পেটা একটা কাঠের হাতুড়ি থাকত। ভোর রাজ্বে তিনি সন্ধ্যারে নাড়া দিয়ে আমাকে তুলে দিতেন। এক হাতে লঠন আর এক হাতে হাতুড়ি নিয়ে যুমজড়িত চক্ষে ঘুরঘুটি নিশুতি অন্ধকারের বুক চিরে আমাকে প্রত্যহ অম-বাগানের প্রান্তে ভাঁড়ার ঘরের সামনে আসতে হত। সেখানে একটি আমগাছের নিচু ডালে পেটাঘড়ি টানানো থাকত; আমাকে দুমিনিট ধরে দ্রুত লগে জাগরণী ঘণ্টা বাজাতে হত।... সেই থেকে আজীবন পদের জন্মে অনেক ঘণ্টা বাজিয়ে চলেছি, নিজের ঘণ্টা বোধ হয় এ যাত্রা স্তব্ধ হয়েই রইল!

প্রকাশন

প্রকাশ থাকে যে, গত ১৯৬১ আনের শেষভাগে - প্রসিদ্ধ অসীম শিক্কালায় - হুভের প্রকাশিত (সীতবিতান, বরান্দা শতবার্ষিক সংখ্যায়), এই প্রবন্ধটি বরান্দা ভারতী বিশ্ব-বিদ্যালয় - সংশ্লিষ্ট সংরক্ষণাগারে (Museum) অথলে রাখিত হয়েছে, কারণ এই বিভাগের অধ্যক্ষ ও সহকারিশন তৎকালের মধ্যে ব্রহ্মাচার্য বিদ্যালয় সংক্রান্ত যে সাতাধিক প্রবন্ধ বিচারকের দৃষ্টি দিয়ে পাঠ করবার অবসর ও সুযোগ পেয়েছিলেন, তার মধ্যে আমার এই প্রবন্ধটিই স্পর্শক বলে বিবেচনা করেছেন। আমার প্রবন্ধ - সংযুক্ত সীতবিতান পত্রিকার বহু মূল্যবান প্রবন্ধ - সমৃদ্ধ সংখ্যাটি মিউজিয়াম কর্তৃপক্ষ স্যায় জোর করেই ছিনিয়ে নিয়ে গেছেন। বিতান-কর্তৃপক্ষ এই গোনা সৃষ্টি করলে দিয়ে আমার মুখ-রক্ষা করেছেন।